

今  
詞  
初  
集

今詞初集目錄

卷下

黃家舒

一首

熊文舉

四首

曹溶

十六首

宋存標

一首

王庭

二首

堵廷棻

二首

閻修齡

一首

吳見思

一首

安璿

一首

梁清標

八首

王岱

一首

毛先舒

五首

毛甡

二首

宋徵輿

二十一首

吳兆騫

二首

徐允貞

一首

盧元昌

一首

趙進美

六首

黃永

一首

秦鴻

一首

張天湜

一首

陸舜

三首

吳啓思

二首

計南陽

五首

朱茂暉

一首

吳綺

二十三首

姜宸英

一首

韓范

一首

王士禛

一首

俞汝言

一首

梁允植

二首

丁澎

十九首

宋實穎 一首

鄧漢儀 一首

周積賢 一首

董衡 一首

王宗蔚 一首

馮雲驤 二首

吳興祚 一首

蔣平階 三首

嚴繩孫 十七首

錢芳標 三首

陸棻 一首

董俞 四首

方炳 一首

汪懋麟 三首

金鎮 一首

韓純玉 一首

傅感丁 一首

黃之翰 一首

余三瀛

一首

魯超

二首

季孟蓮

一首

陳維岳

一首

劉雷恒

一首

羅坤

二首

高士奇

二首

陳維崧

十一首

徐喈鳳

一首

鄒顯吉

一首

秦松齡

三首

曹貞吉

一首

王晫

一首

董元愷

一首

韓獻

一首

陸與齡

一首

李天馥

五首

楊大鯤

一首

馬翀 一首

徐釵 二首

陸進 一首

閻瑒次 二首

顧貞觀 二十四首

成德 十七首

朱中楣 一首

王朗 二首

顧氏 十首

吳森札 一首

龐蕙纓 一首

吳文柔 二首

葉小紈 一首

沈樹榮 三首

沈憲英 二首

喻撚 一首

顧道喜 一首

許心榛 一首

張學雅

一首

張學典

一首

秦氏

二首

李長宜

一首

秦清芬

一首

柴靜儀

一首

趙氏

一首

錢夫人

二首

黃德貞

一首

孫蕙媛

一首

徐燦

九首

今詞初集卷下

西神顧貞觀梁汾

全選

長白成德容若

黃家舒

虞美人

繁華舊蹟餘金粉最惜殘香燼一般惆悵夜啼烏消  
得幾絲煙篆博山爐江南江北愁相續爭唱無愁  
曲黑頭家令答紅箋不記臨春花月是何年

熊文舉



南鄉子

秋色集帆檣一帶傷心路渺茫記得郵亭曾繫馬斜  
陽人在紅樓正晚妝往事隔星霜門巷愔愔砌草  
荒崔護重來應不改淒涼燕子呢喃話短長

臨江仙

憶得當初行樂地玉樓人貌翩翩凌雲賦就覺飄然  
科名宜晚進文采重芳年春色不知人事改垂楊  
垂柳堪憐舊家燕子傍誰邊孤燈殘雨後短笛落花  
前

撲蝴蝶

想見章門嫩柳明江岸尋芳何處画桡歸來晚樓頭  
金蠟微曛花底銀船正滿甚處悠悠歌管春宵短  
玉人獨自惆悵憑闌傷春嬾流雲香霧忽忽風吹斷  
詩題蜀錦難封淚滴湘波共遠誰與商量冷暖

石州慢

用高季迪韻

開遍海棠悄步閒堦莓苔瀟灑春來愁甚石黛慵拈  
金罍嬾把飛絮游絲當年儘付東風夢回香閣猶沾  
惹何處覓雲箋把傷心暗寫艷冶憶昔分攜画舸

難牽夕陽將下且伴庭院梨花無端雨打如今拋擲  
縱有鐵石肝腸伶仃只等簷間馬回首暮雲迷又歸  
鴻到也

曹溶

采桑子

隔牆絃索無心聽挑滅銀燈暗憶平生白髮蕭蕭酒  
易醒月華風定芭蕉冷樓上三更不住雞聲一枕  
江南夢未成

一絡索

聽三絃

撚出玲瓏珠串邊雲初斷分明不是紫檀槽是裊裊  
垂楊線老去閒愁一片曲中重見煩將密約寄佳  
人早招得春風怨

南歌子

隔幌牽巫枕抽簪扣蜀絃恣情輕薄小樓前好作從  
軍蕩子賺人憐玉澀啼蘭畹花愁卜雁鈿西陵渡  
口奈何年零落鴛鴦心事曉霜天

又雲中

馬度離人地山銜去國程孤身却似雪花輕僥倖不

知春色過清明 小樹低金鎖重簾冷玉笙那家沽  
酒甚多情又被晚風催送宿沙城

河傳

綠怨春半低回曲檻茜衫曾見夜闌風轉金鈴夢醒  
一睂秋水清 淚絲新染秦絃澀屏間立別怨煎人  
急拂輕綃溯歸潮相招隔花停画橈

南鄉子

訪傅山人

淚點爲誰紅曾踏天街柳絮風執手松莊春恨晚冥  
濛倦向河山數晉宮 逃世轉情濃破衲閒披感策

中說是道人終不信英雄白髮難令酒榼空

踏莎行

花陣凝脂釵塲築玉蘭膏銜照彈棋局白家蠻柳不  
勝情寒雞昨夜江州宿 珊步移紅霓裳換綠腰肢  
新樣嬌難束故鄉同在月明中笛聲漸遠朱闌曲

又 西塞山

兵火江門魚龍石碣布帆無恙心超越先生何必賦  
歸來杯中潦倒西山月 雙壁雄開千濤怒發窮秋  
時候登臨歇一朝失策事煙波誤人豈獨星星髮

又雲中

埃雪翻雕城冰浴馬搗衣聲裏重門閉琵琶忽送短  
牆西當時不是無情地 帳底燒春樓頭熱洛百錢  
便博征夫醉寒原望斷少花枝臨風也省看花淚

蝶戀花

蹙玉纏腰香細喘印臂檀雲剛道人前覩雨後芭蕉  
紅尚捲朦朧自結三生繭 染就花魂珠露軟帳掩  
燈昏不信郎情淺春事江南風一剪能容幾箇閒消  
遣

醉春風

歌管畱殘醉麗句揉花碎當年百種說風流易易  
一路鳴蛩半窓斜月便成憔悴 冷色搖空砌寶鴨  
爐烟細背人爭解不思量記記記似柳將眠如鶯欲  
語小樓春膩

水龍吟

官家乞與閒身此行只費登高賦泥輕金管妝寒玉  
鏡茫茫客路鵲信潮平蘭心月悄佳期未遇爲知音  
江左周郎入座爭擊節斷腸句 俠少塲中盡識恣



歌呼不隨塵土珠鞭墮馬錦簾窺燕好春如故烏帽  
猜斜紫袍嫌冷喚名猶誤怕重逢猶是雨散雲零鴉  
啼古渡

霓裳序中第一

詠鏡

繡奩冷雲軟古意何年讀秦篆餘的的水心清淺伴  
羅薦春衫珠璫玉串凝愁不捲似新蟾樓側初轉怪  
生就影兒無幾終日向人滿消遣綠絲雙綰仗頻  
磨鉛華吹暖依然相對天遠况霜杵魂驚霖鈴路斷  
濃妝近來懶只描得長蛾一半菱花裏自看妖冶却

勝薄情眼

薄倖

綠楊絲綰勒馬處一程雲棧慢竚想安排此夜知入  
誰家淚眼試說與宿雨餐沙三秋禁斷閒簫管更止  
酒新盟攀花密呪青鬢恨人不煖向有限關河裏  
偏只見悲歡聚散記粉巾鴛字歌裙鳳縷尋思誤把  
歸期緩不關緣淺要迷踪困影山尖海角填情滿自  
忖自惜莫負風庭月館

惜餘春慢

倚玉緣多留仙命薄酒與驪歌相應荷欹翠榜鷺宿  
紅舷歸思風波不定還憶繡帳低垂半捻初成慙慙  
愁病要東君著意催溫送煖試他情性大抵是生  
長豪華冰肌柔雪未卜真珠可聘停鉛減黛閣雨耽  
雲剛說才人無行幾度掌上擎來襯軟勾鬆一分猶  
剩奈從今斷雁荒雞何處鶯僥蝶倖

賀新郎

將之雲中答友

玉宇秋如水爲黃花滿襟離恨雁箏頻倚落日馬蹄  
窮塞主白髮一肩行李銅柱北曾經脫屣又掛風旗

沙柳外對磨崖片石揮毫起呼屈宋且休矣故人  
相見平安喜寫新詞龍蛇飛動牢騷心事刁斗河山  
今不閉敢詫封侯萬里笑老去疎狂未已范蠡湖邊  
蓴菜熟肯羊裘敝盡車生耳痛飲酒真男子

朱存標

望江南

飛來燕曲檻画樓東蝴蝶已隨芳草碧蜻蜓猶帶落  
花紅初月乍朦朧無端緒一望晚煙空繡帶觸簾  
香氣遠翠鈿遺枕睡痕濃好夢識春風

王庭

踏莎行

曲徑迷苔小池明練春風誤入  
淡淡院飛來多半是  
桃花却教相見羞人面  
怨徹銀箏香消翠鈿池邊  
依舊飛雙燕愁來只自倚樓看闌干  
十二相思遍

蝶戀花

別館人閒愁眺聽幾曲門深鎖  
住西風冷畱得方庭  
天一頃斜陽樹樹添鴉影  
牆外轆轤聞汲井乞得  
新泉夕爨分甕茗  
一縷煙生寒色暝  
十年舊事心頭

省

堵廷棻

喜遷鶯

家信到接鮮橄欖并寄詞倚原韻

金戈間阻念佛手餘甘未來吳楚帶澀非橙生香比  
蕙渺渺懷愁子記得軒名味諫非是醍醐伴侶知別  
况甜酸涼燠寸衷堪許遙佇那情味崖密雖甘不  
鬪他甘處乍落紅鹽微含雞舌病渴文園無緒泠泠  
玉泉生頰最憶醒多春醕江雁杳抵梅花數朶夢清  
寒渚

惜餘春慢

玫瑰用宋詞韻

梅豆陰低薄羅新試又是清和芳艸  
臘井紅淡文窗綠嫩忽憶石城清曉  
玉袖徘徊刺鈎纖手徐舒襯鬟霞小  
念姿情不似輕緋淺素妹行多少  
宵夢裏蘇合奩開拈花又閣種種無  
端歡惱檀侵衣紫蕊拂蜂黃那放閒  
輝風掃又喜蝶蕊青翻弄翅相窺不  
愁春老儘茶蘼花事闌珊珍重名香  
清遶

閻修齡

漁家傲

廣陵有老儒孿生二女子娟媚相倚雅  
好文墨幼時並不能辨以香炙面爲識

戊戌歲謫傳掖庭之選因倉卒歸二少年同日嫁亦同日死常見戴生所寫夢遊圖姿首殊絕爲賦此詞以俟後來之憑吊者

夢影依微縈碧霧瓊花本是無雙樹並蒂嬌姿憐解語  
經行處花鈿暗識修眉嫵繡閣肩隨朝復暮閒情却和游仙句  
奔月化烟畱不住天風度飛瓊自挽雙成去

吳見思

憶王孫

秋空漠漠雁聲稀斷續青山數點微滿簾風露濕羅



人言不集  
衣雨霏霏檻外鴛鴦一隻飛

安璿

羅敷令

篝衣細撥沉香火綠箬親遮自此天涯冷雨寒潮獨  
枕斜遙知素綆銀餅響只隔窓紗打合樓鴉不許  
離人夢落花

梁清標

憶秦娥

上谷懷古

濤聲咽蕭蕭亭照金臺月金臺月千年易水爲誰寒

熱 狗屠燕市風流絕田荒督亢飛殘雪飛殘雪悲  
風落日古今銷歇

攤破浣溪紗

漫道春風不世情愁中吹上髻星星歸雁帶來雲外  
恨斷腸聲 煙煖平蕪晴戲馬月明綺閣夜調笙無  
限韶光多少淚共誰評

少年遊

啼鶯恰恰到窓紗幾縷曉煙斜此日春城漢宮傳蠟  
散入五侯家 三分春色愁中度一半在梨花腸斷

黃昏酒醒殘月門外卽天涯

杏花天

鶯聲曲院輕陰乍春水漲城南臺榭誰家高結鞦韆  
架人在賣花簾下 踏青鞦舊遊重話記挾彈芳原  
試馬杏花小雨西村社放了東風寬假

滿江紅

題柳村漁樂圖用呂居仁韻

萬柳藏村人家住白鷗溪曲但編籬插槿結茅爲屋  
門外淺汀清似練窓前抱膝人如玉雨纔收蕩漾兩  
三舟衝波綠 堪對酒陶潛菊宜嘯咏王猷竹羨漁

翁婦子何榮何辱画閣朱門凋謝了浮家泛宅隨時  
足只一竿風月不須錢烹鱸熟

百字令

夏夜

涼侵疎簾看星河漸轉頻催城柝百和香勻新浴罷  
月照殘妝綽約紈扇初停冰肌無汗重試羅衫薄花  
陰攜手一枝輕罨釵落聞道世態浮雲長安棋局  
俯仰成今昨人在瑤臺清露下消受紅牀珠箔橫笛  
高樓鳴蟬滿樹塵事渾拋却西風轉眼又驚吹到簾  
閣

喜遷鶯

夏日

蕉林雨歇正寶篆初溫  
綳荷香徹  
紫几攤書  
湘簾伏枕  
愁煞利名場客  
消受薰籠茗椀  
看度草間飛蝶  
最愛是  
傍蕭蕭疎竹  
梢頭新月  
淒切關情處  
遠樹蟬聲  
又近清秋節  
白墮三杯紅綃一曲  
說甚濟時豪傑  
小構茅齋  
圖畫琴樽羅列  
且白眼任花開  
花落陰晴  
圓缺

永遇樂

九日

籬菊凝霜  
井梧零露  
雁飛平楚  
何處秋聲  
小庭浙瀝

無奈情千縷登高送目手把茱萸生受澹煙疎雨歎  
良時幾年虛度總付東華塵土古今得失人生聚  
散渾似落英無據戲馬臺空龍山帽冷風月還如許  
閒拋書帙笑引清樽看取綠窻眉嫵莫更使愁蜂怨  
蝶香寒別浦

王 岱

滿江紅

自門迎春

點破殘寒東風暖爲催春早聽淡巷賣花聲動繡簾  
妝曉金縷檀槽歌杜麗松茵油碧迎蘇小看人忙如

蝶苦銷魂知多少 年如舊人空老無情事多情惱  
歎六朝如夢又生芳草天自傷心天不語春惟有恨  
春難好願從今一洗可憐腸金樽倒

毛先舒

朝中措

題画

生綃一幅淨無塵彩筆寫天真總只無人得見瓊花  
信是前身 嗔肥嫌瘦量寬試窄似笑疑顰肯伴西  
鄰閒坐不愁便化朝雲

鳳來朝

恰恰流鶯語警紅樓夢殘嬌女正輕烟薄霧籠花泣  
疑太早又疑雨 嬾画鏡中眉嫵覺愁來覓愁無處  
暗暗吹將去去曉樹冥濛許

撥香灰

嫩黃楊柳東風後熨未展眉梢雙皺猶記長條復短  
條親折處牽郎袖 隔年人面何如舊拖引得綠隤  
紅慙除却鞦尖似昔時餘都是今春瘦

玉樓春

閒庭悄立愁時候秋色滿階花似繡月明背著徒然



驚不信我真如影瘦  
嘹嘹孤雁丁丁漏  
又是三鑿街鼓後  
露珠珠淚一般多  
誰濕銀紗衫子袖

江城子

暮江煙外是高樓  
捲簾鈎望吳洲  
遠水遙峰相對兩  
悠悠  
滄海月明都換淚  
還道是不曾愁

毛 牲

浣溪沙

水繞空城葉繞枝  
竹郎橋畔豆娘祠  
佳人邂逅最相思  
燭近只將遮幔子  
風低長自歛衫兒  
梨花初落

酒醒時

小重山

宮詞

水咽銅龍漏斷時  
金鋪青瑣外  
蛺蝶雙垂疎桐玉露滴  
階墀銀牀靜  
繚繞轆轤絲  
袍袴掃鸞帷  
九微花報  
喜晚風吹額黃催  
卸却遲遲珠簾下  
猶望月如眉

宋徵輿

浣溪沙

徹夜清霜透玉臺  
夕香銷盡博山灰  
聲聲飛雁五更催  
滿地西風天欲曉  
半簾殘月夢初迴  
十年消息

今詞初集

卷下

古

上心來

又雪

半似三春楊柳花  
趁風知道落誰家  
黃昏點點濕窻紗  
何幸鳳幃親得踏  
可憐紅袖故相遮  
人間冷處且畱他

菩薩蠻

流蘇睡曉銜珠露  
玉堂殘夢鶯啼處  
却下水晶簾  
春風分外尖  
手扶紅玉軟  
盥水胭脂煖  
妝罷倚紗窻  
花開到海棠

卜算子 除夕

金爐裊夕香  
玉琰傾紅酒  
高捲重簾待早春  
春到兒家否  
無限歲華新  
只是東風舊  
回憶今年總是愁  
莫遣明年又

憶秦娥 柳絮

黃金陌  
茫茫十里春雲白  
春雲白  
迷離滿眼江南江  
北  
來時無奈珠簾隔  
去時著盡東風力  
東風力  
畱他如夢送他如客

清平樂 秋曉

雁聲初到遠夢驚回早殘月殘燈和淚照閒憶去年  
秋草 起來檢點芙蓉愁紅恰與人同扶得滿身憔悴  
那堪更對西風

画堂春

秋柳

綠衣斷送百花紅長條還綰芙蓉黃昏時候月明中  
無限秋風 江上輕煙漠漠樓前細雨濛濛灞橋嘶  
盡舊青驄一半心空

柳梢青

楊柳梢青東郊十里轉盡流鶯碧玉樓頭綠紗窻底

春睡初醒 天涯自有人行目斷處長亭短亭記得  
當時香車寶馬寒食清明

醉花陰

風裊繡簾雲鬢礙一半輕妝退玉漏出花間羅襪無  
聲人影紗窓背 酒煖春酥紅入黛銀燭搖仙珮和  
露洗胭脂金粉全消只有香肌在

虞美人

無星無月無風夜香露襟前瀉瓊窓寶帳兩重重忽  
透明燈一綫玉顏紅 嬌花弄影愁經雨怯盡當春

舞五更不語吐幽蘭此際雲淡巫峽幾時還

南鄉子

玉露洗空簷冷透羅衣著意添扶起倦魂如帶夢厭  
厭倚枕看人開鏡匳愁聚小眉尖忍不傷秋病又  
兼更有一番腸斷也纖纖淡月黃昏風滿簾

踏莎行

錦幄銷香翠屏生霧妝成漫倚紗窻住一雙青雀到  
空庭梅花自落無人處回首天涯歸期又誤羅衣  
不耐東風舞垂楊枝上月華生可憐獨上銀牀去

小重山

春流半繞鳳凰臺十年花月夜泛金杯玉簫嗚咽回  
船開清風起移棹上秦淮客夢五更迴清砧吟塞  
雁渡江來景陽碧井斷蒼苔無人處秋雨落宮槐

臨江仙

小春

紅葉落時秋盡也空山千里雲平人煙幾點暮天晴  
一灣流水急半壁夕陽明月滿枯林霜滿地西風  
過處無聲碧雲樓上坐調箏冰絃嬌火鳳玉指放春  
鶯



唐多令

寒食

柳陌半晴陰春潮烟外淡玉梨初受薄寒侵踏盡江  
南寒食路雲漠漠雨沉沉寶枕擁香衾鴉鬟壓鳳  
簪曉風清露拂瑤琴記得那時花信也如夢裏到而  
今

青玉案

金塘雨漲輕煙滑正柳陌東風活閒却吳綾雙繡襪  
滿園芳草一天花蝶可奈人消渴暗彈珠淚蜂黃  
脫兩點春山青一抹好夢偏教鶯語奪落紅庭院夜

香簾幙半枕紗窻月

天仙子

幾陣飛紅簾外急滿天風雨迷南北錦幃獨自夢無  
聊清淚滴羅衣濕欲待銷魂銷未得 無數江山雲  
樹碧暮愁滿眼看鄉國年年三月爲誰春今與昔難  
重憶有限鶯花空愛惜

江神子

珍珠簾透玉梨風暮煙濃錦屏空胭脂萬點搖漾綠  
波中病起看春春已盡芳草路碧苔封 漫尋幽徑

今言初集  
卷一  
到吳宮樹青葱石玲瓏朱顏無數不與舊時同料得  
夜來腸斷也三尺雨五更鐘

千秋歲

春城寂寞白日游絲落看西棟飛鳥鵲輕雲垂素蓋  
芳草成青幕東風裏天桃依舊生花萼憶昔秦樓  
約年少爭相索攜美酒同斟酌雙鴛嬌繡頸夜合開  
紅藥從別後一生辜負千金諾

念奴嬌

春雪咏蘭

東風悄悄送餘寒春意偏隨春雪綺閣依然溪谷裏

一種國香清絕光滿銀屏人虛錦帳日暮冰嘶裂紫  
莖玉蕊亭亭獨倚瑤闕可憐燕落空庭蒼苔錦石  
一半紅文滅總有幽情歸客夢已謝當時蜂蝶不夜  
珠前水晶簾下何處堪攀折他年解佩楚江無限風  
月

綺羅香

落花

寒食煙消清明霧捲一日便教春暮千里飛花目送  
滿天紅雨乍吹來深院珠簾又舞向小橋官渡冷糝  
糊萬點胭脂杜鵑啼盡行人路画眉閣上窓開問

今詞初集

卷下

九

緋桃穠李頓歸何處芳草池中已被輕潮流去空自  
說薄倖天涯早斷送艷陽無數向殘英泣望東風夜  
淡吹不住

吳兆騫

百字令

家信至有感

牧羝沙磧待風鬟喚作雨工行雨不是垂虹亭子上  
休盼綠楊煙縷白葦燒殘黃榆吹落也算相思樹空  
題裂帛迢迢南北無據消受水驛山程燈昏被冷  
夢兒中叨絮兒女心腸英雄淚抵死偏縈離緒錦字

閨中瓊枝海角辛苦隨窮戍柴車冰雪七香金犢何處

采桑子

寄妹起句用合肥公來札中語

縞綦義烈人誰似淡月寒梅寂掩羅帷生受黃昏盼  
紫臺遙知楓落吳江冷白雁飛回錦字難裁一片  
紅冰熨不開

徐允貞

少年遊

一堦新草碧痕輕紫幔怯風清膏殘枕冷爲誰銷減

空自托秦箏 幾回夢裏尋芳訊  
花底憶生平半醒  
梨雲朱欄靜悄獨聽画眉聲

盧元昌

鵲踏枝

冷雨廉纖淡院落排演秋聲樹樹驚蕭索  
滿眼飄零  
今異昨斷腸人在梧桐閣 金井霜寒啼暮雀  
小立黃昏人影風燈薄紅葉題殘垂繡幕  
戰袍魂斷遼西約

趙進美

夢江南 冬詞

新睡起香夢滯衾窩眉翠欲添腰倦倚額黃初正手  
頻呵旭日半窻過

謁金門 澆花

風漠漠欲雨輕雲還閣睡損曉眉山一角倚欄春袖  
薄喚起小鬟梳掠百尺銅瓶雙索爲洗窻前紅玉  
顆梢頭珠亂落

山花子

銀蠟初消寶篆濃起來珠袜褪方空細數枕痕殘夢



遠剩輕紅 雙啓螭匳交翠影半欹蟬髻卸金蟲寒  
較夜來渾不減杏花風

少年遊

剖菱

紅衣初褪小銀尖玉甲笑輕拈翡翠盤空水晶丸脆  
一捻粉香添 背郎潛倚微風立彈指繡裙霑酒暈  
旋消蕉漿重進花外透涼蟾

醉落魄

木樨小院碧雲夜靜孤輪滿亂紅低影湘裙展六曲  
屏山翠幙深深捲 麴塵微步苔痕軟画樓咫尺清

光遠水沉香盡歸仍懶繡被人孤不共金鳬煖

重疊金

獸香不斷花茵煖繡筐金縷香中展銀尺隔牕聲鶯啼小院晴  
吳紈輕似雪玉手還同潔何處最宜時  
沉吟落剪遲

黃 永

蝶戀花

庭院西風良夜靜些子春光拖逗紅梅醒滿地霜華  
寒不定空天數遍飛鴻影  
往日相思閒記省  
梵宇

雕闌有個人兒竝笑拍香肩呼不應薄綿偏耐黃昏  
冷

秦鴻

桂枝香

胥江懷古

一江秋水繞半面吳城流向東去此際征帆未卸采  
菱歸暮館娃響屨斜陽外問西風有誰爲主靈胥祠  
下驚濤捲雪尚畱餘怒歎何事天教不遇抱一片  
雄心艱難吳楚避得章華濺血鏑鏤如故越王臺榭  
今存否一般兒鷗鷖飛處羸他過客年年此地酹殘

椒醕

張天湜

歸自謠

更漏歇一夜珠簾風自揭寒鴉影碎梧桐月  
玉關  
征戍音塵絕當年別江南鶯語花時節

陸舜

浣溪沙  
櫻桃花

着雨胭脂一餉嬌輕於繁杏碎於桃未禁攀折况禁  
飄  
夢逐青衣剛有約歡催紅燭賸無慘那年曾憶

共花朝

好事近

巡海過飛雲渡和梁汾

橫澥下戈船信宿珠崖消息試向玉環山外探一絲  
風色 桃花春汛島門寒寂寞魚龍國閒倚射潮犀  
弩聽柁樓吹笛

百字令

永嘉江心寺餞別

江心片石是疎狂謝客舊曾來處別夢難尋春艸外  
多少六朝烟樹水遠山遙東風無賴不許斜陽住飛  
帆欲滅望中渺渺愁予 不道寂寞招提榕陰偕画

也一般鶯語俊賞青門成往蹟總入天涯凝竚剩酒  
澆花生羅撲蝶猶有當時侶飄零海燕甚時真個歸  
去

吳啓思

夢江南

江南憶春潤野烟和燕子不來知雨急梨花欲謝惜  
風多酒醒奈情何

望江南

秋已到幽恨幾人知去歲今朝花月夜人間天上醉

眠時撫景緒如絲  
清露冷河漢影遲遲  
萬事回頭都是夢  
一生着意半成癡  
何處續相思

計南陽

如夢令

長樂晨鐘初動  
睡熟紫綃嬌鳳  
翠輦一時移十騎  
紅妝雲擁如夢如夢  
城上烏啼相送

長相思

柳烟輕草痕平  
只聽行人玉笛聲  
花飛滿敬亭山  
青青水盈盈無限江南夢  
不成一簾風雨橫

巫山一段雲

妾夢帆山路君行九曲池  
茱萸灣口最相思三五月  
明時小幕含燈影疎櫺網碧絲  
天寒今夜剪刀遲  
霜弄玉虬枝

西江月

落葉

桂子香殘綠髻茱萸霜冷紅綃碧  
窗彈破雨瀟瀟烏  
鵲亂啼清曉驚起五更幽夢送他  
幾點寒潮相思  
吹散廣陵橋一夜西風古道

醉落魄



煙輕霧弱新梳燕尾銜花掠梨雲黯淡隨青幕薄綺  
疎檣獨倚瑤池閣 鬪雞臺畔何消索 鞦韆影裏紅  
塵薄香泥玉勒隨飄泊鳥啼人散細雨櫻桃落

朱茂暉

點絳脣

斜月朧明一庭芳樹濃陰睡綠荷擎蓋涼露琤瑤碎  
幾曲簾垂濕盡湘娥淚天如水亂螢飄砌着個人  
憔悴

吳綺

夢江南

揚州夜花月擁刊關錦幙千家橫寶瑟紅燈十里照  
珠鬟春漏不曾寒

相見歡

吳興

西風落日登臺眼重開無數繞城山色送青來  
今古事吳越地幾雄才一片項王馬埒亂雲堆

點絳脣

烟雨樓

烟水無情當年曾照朱樓影鴛鴦飛盡有夢如天迴  
紅藕花殘桃葉歌聲冷萍無定蕭蕭短髻白雪羞

明鏡

醉花間

思時候憶時候剛與春相奏把酒囑東風種出雙紅  
豆鶯啼門外柳逐漸教人瘦花影暗窓紗最怕黃  
昏又

巫山一段雲

密意珊瑚帶深情翡翠卮人前隱笑動蛾眉嬌盡語  
偏遲爲有愁中態都成夢裏思當初錯處也相宜  
何況總宜時

秋波媚

南浦輕風落藕花  
秋色老京華  
一窓涼月三更微雨  
倦客思家  
陡來心事香殘後  
清淚滴琵琶  
憑誰問  
取秦樓飛雁  
漢闕歸鴉

秋波媚

雨中新柳

槎就驚兒綠尚遲  
都未使鶯知  
東風無賴教他嫩  
雨一樣絲絲  
和煙搭在闌干上  
約畧早春時  
斷人腸  
處纔成  
眉眼淚軟腰肢

西江月

醉後獨翻棋局醒來鵲語簷牙盈盈十五掩團紗最  
憶鸞釵初下幾日離人離恨一江春水春花芙蓉  
欲採夢無涯怨慙鴛鴦今夜

醉紅妝

迴廊羅幙捲金泥照垂楊月影齊有人年少擅蛾眉  
宛轉勸玻璃就中擲眼怕人疑佯背面整紅衣低  
告玉郎須盡醉郎不飲又花飛

虞美人

春雨次李舒章韻

紅絨冷落秋千架人約西陵罷梨花和淚閉重門却

似玉兒憔悴憶東昏 孟婆苦把東君妬做作催春  
暮愁春人正在朱樓聽盡絲絲點點倚香篝

南鄉子

鄉路碧山遙月冷吳天夜寂寥瘦盡燈花紅不語長  
宵風弄琅玕影自敲 莫看沈郎腰一帽秋霜著鏡  
描欲夢封侯渾未就連朝愁似胥江日兩潮

又

茗月慣清癡腸斷尋春杜牧之同看水嬉君較勝非  
遲揀得東風第一枝 綠綺七條絲引惹春山翠不

支準取鸛鵲教換酒相思醉擁芙蓉是幾時

小重山

十里珠簾金鳳鈎大堤堤上路舊時遊枇杷花下不  
知愁青溪月夜夜照風流往事但悠悠鴛鴦飛盡  
處白蘋洲蘭成蕭瑟倚江樓傷情也一曲舊伊州

臨江仙

贈江夏君

一自語溪同跨鳳人間多少崎嶇不開紅粉是知音  
典衣春貰酒燒燭夜調琴記得黔婁當日却憐司  
馬而今夜香臺上兩情淡手持鸞鵲紙心愛鳳凰簪

漁家傲

汪園

門對琉璃千萬頃，鶯花十畝連幽徑。小閣正當花絕頂，青不定，春山碎疊斜陽影。得酒偶忘前日病，凭闌又被風吹醒。桃葉誰人來畫艇，淡翠冷，鴛鴦驚破湖煙暝。

鳳凰閣

聽朝來窓下幾聲靈鵲曉，霞影透真珠幕。最喜梅花臺榭漸暖紅，萼把燕子芹泥乾却。起來呵手鏡裏盡情梳掠，還教安頓秋千索。思昨日雨和風何等輕。



薄怎忍將春閒着

殢人嬌

花壓紅檐縹緲梨雲一縷剛睡到画樓春雨雙鬟擁  
翠怕鸚哥傳語誰解道情在暖香深處 巫峽朝行  
洛波晚渡難算得柔懷如許桃慵柳困細把眉峰數  
人待起還被眼波畱住

新雁過粧樓

西湖見倚樓美人

水蘸鵝黃蘇堤畔垂楊盡染波光画簾青粉剛靠宋  
玉東牆小閣亭亭人獨立碧闌紅袖倚斜陽無言處

低眸掠髻似有思量 知他因何獨自向杏花影裏  
儘意淒涼不疑客在蘭葉艇上端詳晴湖巧開一鏡  
便照出青娥雙黛長等春去怕綠陰成幄難比伊行  
換巢鸞鳳 有遺予詩者用史邦卿韻答之

天妬人嬌正鸞羞覓渡鵲嬾填橋忽來燈下句如聽  
雨中簫遙知堪瘦倚闌腰病因影起香隨夢銷孤眠  
醒想只有玉樓花照 清悄鴻縹緲門掩苧蘿空把  
靈犀抱揀盡寒枝壓殘金線幽怨寄懷香草頻展烏  
絲斷離腸奈何欲喚青天老而今情緒憑誰問取分

曉

水龍吟

繞城多少樓臺一春悶鎖桃花雨靈和新柳風流重  
見故人張緒剪燭窓深抱琴臺敞同傾芳醕笑華陽  
白鶴陡催離恨又分手蒲帆渚回憶青溪舊處兩  
狂生酒歌詩舞無端小草心旌馬上鬢絲吳楚梁苑  
聞雞王家賦燕儘成飛絮把相思付與歐餘山色送  
君歸去

綺羅香

西湖清明

風報桐花雨吹榆片春事三分啼鴂人在湖頭正值  
禁烟初蕪看十里入眼風光是一歲銷魂時節又誰  
禁南北峰頭紙錢却化孤山蝶樓邊紅袖徙倚聽  
賣餠人過玉笙吹微笑指西陵松柏何年堪結莫等  
待潑火霏微却做作打毬周折且分付簫鼓樓船載  
多情夜月

風流子

西湖兒女地長堤畔銷盡古今魂看兩嶺輸青雲儉  
黛色重波皺碧水學羅紋更誰送鶯啼曲玉管蝶舞

鬱金裙蘭葉舫頭翠觴涼月柳絲樓上紅袖斜曛  
忽風吹塵世再來處已是路阻漁人空記尋香梅市  
索笑桃門歎霜高木瘦鄂王祠廟渚寒花謝蘇小鄉  
鄰幾度斷橋佇立惆悵黃昏

多麗

贈內

夢兒中猛喚一聲堪惜幾年來狂多醉少不逢些好  
消息又長安杏花紅處看他人上馬顏色青草衣袍  
黃花顏面一牀寒雨愁空滴牛衣冷籠頭布帽燈影  
弄餘碧三更後封侯枕上醒來無跡笑人裏平原

絕少那有黃金迎客爲伊行冷心溫熱還重把唾壺  
共擊碧碗澆愁紅衫搵淚鵲裘沽酒陶家甕更憐取  
歌成五噫同讀還同懌臨邛去秋雨茂陵忍添鸞隻  
姜宸英

魚遊春水

用楞嚴寺唐碑韻畱別

悲歌岐路裏又臨岐重增碨壘凝陰乍散鋪就一天  
霞綺帆掛西風畱不得淚灑東城紛如縷待問情深  
桃花潭水去去斜陽徙倚邀我醉餘書青李飛花  
萬點愁人金尊再洗高懷共擬雲中鶴逸興還看庭

前經相思異時楓橋角里

韓 范

菩薩蠻

黃雲吹落江頭月小梅枝弄三更雪銀雁一聲寒面  
屏山又山 角吟風遞遠舊夢和新怨繡被冷餘香  
迢迢清夜長

王士禛

菩薩蠻

過露筋祠

女郎遺蹟秦郵路晚涼門外青楓樹石竹響空祠蕭

昏鴉小雨落楓時山中岑寂如斯惟遲君來晤言消  
之 茅簷月出橫谿雅相宜牀頭斗酒兼之鹿乳蕨  
菜初肥

南唐浣溪沙

獨向徂徠採石芝霸陵妻子訝歸遲滄海一裘風雪  
裏少人知 懶到蝨嫌嵇叔拙貧來鬼笑伯龍癡短  
髻怕將愁思織已成絲

又

鴛瓦霜彫野蔓疎澹煙黃葉女郎祠玉貌花鈿秋雨



今言不集、  
洗半糝糊 古案神燈翻墮鼠短墻癭樹起棲鳥客  
去鐘殘山月白一僧孤

番女八拍

黃榆風急海鷺啼馬頻嘶蓬婆城外千山雪錦繖蠻  
靴夜打圍 梧桐樹底軋鳴機念征衣孤鴻一去無  
消息使盡西風喚不歸

醉花陰

牆角秋千紅影度踏遍新苔露眉恨寄天桃賺燕迷  
鶯都做相思樹 柳絲煙綰湘簾暮春悶情如雨樓

外更飛花屈戍重重難鎖東風住

虞美人

池中萍漾池邊柳相映春光逗與郎一處誓同生除  
是郎爲柳絮妾爲萍萍根本是楊花結不比閒枝  
葉儂拚水面作萍花只恐郎爲飛絮又天涯

鳳銜杯

屏前私結今生願憶不了當初歡怨正生小俱癡尋  
花逐蝶爭閒玩只避得人前眼到如今全不管恁  
心情風兒吹斷將拭淚雙綃斷腸一紙交伊看怎推

得無人見

行香子

纔住香車忽過平沙片時間人遠天涯今宵好夢何處尋他但一更鐘三更雨五更鴉愁對飛花怕見殘霞別離情付與琵琶斷魂江上吹落誰家正夢兒來燈兒暈枕兒斜

側犯

貞娘墓

青山埋玉土花洗碧榴裙黥幽咽看松徑吹烟惹飛蝶雨凋金盃淨花撲魚燈滅香骨伴楓下狐狸弄秋

月 星前帶露邊眉早是東風欺恐魂去傍衰桃不  
敢畱啼鵲何處追尋粉肌如雪斷腸人共清明時節

蘆花雪

卽金人捧露盤仄調

君不見坂上車江頭楫恁消磨古今豪傑斷岬橫流  
銅駝不鎖瑤臺月秋風夜吼更吹來楚宮秦闕 嘆  
人生能幾何多半是傷離別灞橋柳年年空折露白  
園荒武陵人去誰家笛江天又早塞鴻飛蘆花如雪  
千秋歲引

翠閣畱情紅牋寫怨何物遺君表幽願玉環雙鳳連

枝扣香羅繡帶同心綰懷袖間朝與暮常依戀帶  
欲君情長不斷環欲君心千遍轉誰意風流一朝散  
玉環摧折香羅裂人心那得無移換淚痕銷香痕滅  
何時見

洞仙歌

梧桐月上正玉堦初靜露滴寒蠶牽素綆倍淒涼幾  
陣嘹唳征鴻聲未斷那管鳳幃秋冷隔簾銀漢轉  
河鼓無情惟有姮娥伴孤另低語問伊行可記當年  
雙星下幾番折證但看取羅襦半香銷辜負了燈前

綠牕人影

霜葉飛

玉階霜槭瑣牕外一枝斜弄寒月錦江春信託修鱗  
奈采箋空折還記得羅衫穩貼舊時衣帶雙鴛結他  
囑付頻頻不道是嶺梅重放異鄉猶客料得香狹  
芬韞團雲貼領此際薰篝斜疊多情知否在蕭關對  
玉釭低說正旅館殘衾似鐵夢回猶滯交河雪憶當  
年同繡被燼煖金猊何如今夕

沁園春

采石磯題太白祠

采石磯頭宿莽之間有謫仙亭盼酒人或出半江月  
白宮袍如在數點峰青玉殿傳來夜郎遷去長使人  
間怨不平休重論向沉香倚夢夜色華清古來飲  
者留名但搔首青天笑獨醒料卿來長醉未應有我  
我今獨酌何可無卿花撲鷓鴣星稀鷗舄多是騷人  
移我情然與否正寥寥千載問箇分明

玉女搖仙珮

望春樓故郎

青州城裏帝子珠樓縹緲五雲深際繞柱鮫綃穿簾  
玳瑁舊是繁華朱邸一晌同流水有殘紅覆檻落榆

鋪地瑤階外鳥聲伊軋雨洗遺鈿數點空翠何處度  
簫聲暗想當年玉容同倚樓上望春如醉風斷窓  
紗燕子銜將花蘂鬪草踏青昭陽人去冷落鞦韆佳  
會飛絮連天起笙歌杳不道岐王故第祇見得画簷  
蛛網粉墻蝶鬧但餘幾點看花淚不如把鳳樓長閉

### 宋實穎

滿庭芳

孫太初墓在道場山吳園次來守湖葺而治之并偕諸名士修奠賦記

柳陌輕翻桃蹊亂點英雄空老荒丘昔年孫楚長嘯  
幾登樓把酒青天明月今古事濯足江流嘆華表烏



今詞初集

卷下

三五

飛兔逝風雅已千秋 魂遊念才人一杯黃土百尺  
松楸有延陵掛劒路出西州况對玉麟金馬飛觴促  
澆盡間愁聽画角城頭鴉起燈火櫂吟舟

鄧漢儀

小重山

淮水橫拖柳線柔曾聞簫鼓夜美人遊一從好事斷  
香鉤西牕月不肯勸梳頭 黃雨更深秋怎禁梧月  
下一更愁寒潮依舊繞城流無人處私倚闌江樓

周積賢

南歌子

玉篆沉鳬永金鋪小鳳斜杜娘無力繡春紗閒倚綠  
萍池畔數桃花

董衡

風中柳

本意

綠水輕颺吹透黃金千縷怯微寒依依南浦殘烟幕  
歷玉笛和鶯語伴妝樓纖腰輕舞長是銷魂情盡  
橋邊人去繫蘭舟暗添紅雨三眠乍起見棲鴉無數  
慣飄搖露堤霜渚

王宗蔚

臨江仙

門外新潮催桂楫  
鳳笙初送斜陽野  
雲何處隔瀟湘  
翠鬟金剪冷  
香草玉樓長  
紅葉不傳青女信  
誤人連夜橫塘  
錦帆飛雁影  
茫茫一燈雙浦月  
孤枕五湖霜

馮雲驤

菩薩蠻

塞上

龍沙落日山銜水  
登臺悵望寒雲裏  
獵騎返城西  
秋

風大將旗 飛蓬迷島路白雁哀鳴去絕塞易黃昏  
孤城早閉門

西江月

湖上

簾捲美人臨水亭亭一縷紅霞清如明月照梅花垂  
柳可憐樓下 閒整瑤釵獨坐峭寒風響簷牙晴波  
淡蕩對牕紗堤上浮雲似馬

吳興祚

踏莎美人

送顧梁汾之江右

月暗山城香疎桂樹征帆遙指霞飛處黃雞白酒擬

相招試問君能回首一停橈  
蓼渚看花蘆洲聽雨  
高吟莫作悲秋語西風落葉捲江潮此後相思俱在  
灞陵橋

蔣平階

三臺

玉案淺浮朱李銀瓶斜插紅蓮不向天孫乞巧只願  
郎常少年

菩薩蠻

曉山重疊芙蓉萼殘星歷亂沉河角綠樹不禁風新

添一夜紅 客愁催夢醒妝閣銀餅冷秋色上眉端  
曉來臨鏡看

又

紫蘋對綰相思帶落紅驚散魚兒隊細雨滴蓮房寒  
香生滿塘 西風催急管幾處菱歌緩歌歇轉船歸  
一雙鸕鶿飛

嚴繩孫

浣溪沙

隙影餘香望未賒爲誰惆悵似天涯紫蘭重院謝娘

家 生小暈眉臨却月近來書格愛簪花麝煤繭紙  
映輕紗

又

瘦損腰支不奈愁扇欹燈背晚庭幽不如眠去夢溫  
柔 昨夜涼風生玉砌舊時明月在蘭舟一生消受  
幾回眸

南歌子

積潤初消砌輕陰尚覆城薔薇花外度流鶯却道年  
來渾是不關情 青鏡人如昨朱絃手盡生斷腸天

氣舊池亭夢裏紅香清露泣三更

望江南

臨欲別何處見回眸一丈紅牆迷玉杵十年青鳥斷  
銀鈎往事總成愁 憔悴盡花滿憶春遊褰幌月華  
窺擁被隔簾風影報梳頭終日並蘭舟

又

歌宛轉風日渡江多柳帶結烟留淺黛桃花如夢送  
橫波一覺懶雲窩 曾幾日輕扇掩纖羅白髮黃金  
雙計拙綠陰青子一春過歸去意如何



踏莎行

過吳江

月魄分橋烟鬟迷渡如今不是長洲路  
愁教幽夢暗相尋亂帆影裏人何處  
細葢偷黃單綃引素去來渾是難分付  
西風篷底博山香一絲絲似秋情緒

一剪梅

款抱多情月豔娘生卽愁鄉死卽柔鄉  
鴛鴦魂夢幾時雙月滿橫塘風滿瞿塘  
紅浪翻衾絮語長贏得商量怕得思量  
可堪銀漢是紅牆心上檀郎陌上蕭

郎

蝶戀花

重過南陽湖

依舊荷香三十里比似年時無復殘紅矣不恨紅芳  
不相俟恨他零落秋如此驚外遙山鷗外水水上  
斜陽染出千峰紫脉脉秋心勾引起一行白雁天邊  
字

風入松

星移帆影月移沙秋思誰家別時不敢分明語蹙春  
山暗損韶華又是中秋時候西風幾陣歸鴉相思  
難遣夢交加水濶山斜尊前常恨天涯遠況如今真

箇天涯更道重來應未待伊歸向牕紗

轆轤金井

風

傷心休問只風兒也勾吹將人老剗地排空總沒些  
分曉城烏去了又喚起鈿車聲早漢苑秦宮千門萬  
戶吹殘多少古今去來如鳥把狗屠駿市往事都  
掃似絮羈魂怎禁他顛倒江南夢杳敢吹徧天涯芳  
草故國飄零回船聽雨甚時重到

滿江紅

競渡日

生老樊川水嬉不盡當年興問十里晴湖何處回橈

相並金管風多聽易失珠簾雨細看難定算陳思着  
眼不曾多驚鴻影 凭舷意應難省拋醉纈朱榴映  
儘繁華都付藕絲風領一簇愁紅空極浦半湖柔綠  
浮歸艇正高樓人在柳陰中烟光暝

又

別袂偷分盼不到片帆香陌正雨過亂紅飛盡水雲  
凝碧楊柳漫牽歌意緒苧蘿多少愁踪跡怕羈心重  
對舊亭臺傷今昔 花影晝蟾陰夕重執手何時得  
奈渚蒲檣燕助人行色縱是夢來應有恨情知留得

元無益算人生雙髻幾時青成拋擲

滿江紅

一霎燈前早硬却心兒別了幸道是頻年浪迹慣曾  
草草恰喜病隨殘月減可知夢與秋風杳只迴廊才  
轉是天涯漁陽道偷彈淚燈花小親煮藥爐烟曉  
儘一番愁悴又添離抱別後屢屢炊却盡客中魚素  
愁難料竟何如雙影玉蘭堂相看老

南浦

題元人畫蘆洲聚鴈

生綃淡墨向人心譜出許多愁賸有垂楊金縷幾葉

下寒流隱隱漁燈生處鎖瀟湘一派荻花秋問賓鴻  
點點稻梁何在生占白蘋洲回首西風故國有芙  
蓉塘外月如鉤應是千帆數盡人倚隔江樓此際離  
魂歸去正誰家水調唱歌頭甚是無情圖画烟中不  
著一扁舟

滿庭芳

佛手柑

露質舒金秋肌斂雪可宜垂手亭亭木奴愁絕低首  
拜嘉名何事漢宮仙掌輕移去鉛淚雙零渾輪與玉  
毫光裏一指證無生兜羅垂引處春纖乍接一樣

香清正夜深寒淺幽夢初醒問取散花人去如花客  
屈指誰爭還憑藉慈雲深護長伴展金經

雨零鈴

和成容若種柳

湘簾月冷是誰添上絲絲斜影橫塘烟雨何事朱門  
空鎖斷腸金井最是東君好事要十眉相並也不管  
舞困纖腰從此垂垂向芳徑 算來冰雪無多賸又  
春風燕子歸初暝忍教送盡離別傍紫陌漫維雙艇  
雁齒紅橋多少博山前事難省只伴我霧暗塵窗彷彿舊時病

望海潮

錢唐懷古和柳耆卿

吳顛越蹶玄黃戰罷無多錢趙興亡城柝宵嚴宮鴉  
曉起潮聲依舊錢塘綺麗最難忘有蜀船紅錦粵橈  
沈香別樣風流翠翹金鳳內家妝 笙歌十里湖光  
更漂雲菰米墜粉蓮房一道愁烟三分流水惱人唯  
有斜陽盡日繞荒岡又秋營画角粉隊軍裝指點六  
陵衰草下牛羊

錢芳標

臨江仙



水廟陰陰罨綠蘿  
楚山隔岸嵯峨  
日斜髣髴倚湘娥  
秋風嫋嫋木落洞庭波  
惆悵翠華遊不返  
愁心蹙損雙蛾  
至今斑竹淚痕多  
黃陵月冷空自鼓雲和

城頭月

綠楊橋畔城頭月  
別去三回缺  
後夜圓沙何人橫竹  
撲漉羣鷗雪  
長年夢穩篷遮牒  
雁齒參差接  
繡被焚香吳歛盪  
漿趁早迎桃葉

鵲踏枝

露濕芙蓉風漸緊  
珍簾涼生時節  
重陽近冷落楸枰

閒玉軫小屏山色橫金粉  
獨倚妝樓私自忖錦字  
傳來舊約難憑準葉葉輕帆過欲盡寒烟幾點殘鴉  
隱

陸 棻

滿江紅

郭正子招同吳伯成顧梁汾諸公九日  
惠山登高觀射次韻

老去悲秋看眼底秋光多少只九點青青畱得半竿  
殘照帆影望窮烟水接角聲吹遍雲山繞乍開輪霹  
靂碎晴空驚鴻悄今古事樽前帽剛一霎風吹了  
任紫萸黃菊年年相笑且拂蒼苔題絕壁從遺斷鏃

今詞初集

卷下

四十六

埋荒草憶同時青髻着邊霜盧龍道

丁未九日同梁汾扈從大獵

董俞

望江南

楓橋路烟水正迢迢欲向東君尋舊約渚花巖月兩  
無聊孤負是春宵人何在獨倚赤欄橋遙憶去年  
櫻筍候画船紅燭聽吹簫往事更魂銷

南鄉子

羅襪錦茵重葉葉銖衣不耐風去似彩雲來似夢匆  
匆腸斷迴廊細雨中愁倚画樓東六曲屏山燈影

紅月自低迷花自泣朦朦辜負鑪香徹夜濃

踏莎行

陌柳飄綿園梨糝雪紅亭綠酒人離別春光不是別  
離時別離偏向春時節舊夢無痕新愁似結亂鴉  
啼處山千折漁燈點點隔江明蘋絲帶雨波聲咽

二郎神

詠黃石榴花

緋衣阿醋忽改做道家妝束看點額宮鴉天然澹冶  
絕勝猩紅鴨綠堪與姚家稱姊妹真一樣嬌姿絕俗  
有樹杪黃鸝飛來一色繁枝如簇空谷儘教長日

伴人幽獨似憔悴  
霍娘病起瘦比籬邊菊  
插向雲鬟  
金釵掩映不是丹葩穠  
郁想霜飛幾夜秋  
苞拆盡珀珠盈掬

方 炳

鷓鴣天

玉臂胭脂繫絳紗  
驪駒一曲不思家  
晝長愛學三眠柳  
夜靜羞看百合花  
春已老月將斜  
行雲無夢到天涯  
夢中識路知何益  
流水孤村只暮鴉

汪懋麟

江南春

波活活櫓  
呶呶鴉頭  
新襪子  
鴨嘴小船兒  
雙雙搖過  
春江去  
攪亂儂心如柳絲

醜奴兒令

扁舟又向荒村泊  
日落溪橋  
月上寒潮  
白草黃蘆雪  
未消  
故園咫尺  
偏多阻  
雁影寥寥  
漁火蕭蕭  
冷宿孤眠第幾宵

爪茉莉

本意

最喜炎天趁薰風  
放蕤枝兒上  
白溶溶地  
晚涼庭院

今言不集 卷一  
銀月照清芬似水安排下玉合珠鈿穿花試煩小婢  
鬟鬆髻彈却生憎蘭膏膩私嗅罷早醒殘醉還留  
數朶待明朝上雲髻將幾枝安放枕頭根底夢魂香  
相伴睡

金 鎮

臨江仙 寄汪蛟門舍人

碧玉闌干花影重峭風移過簾旌綠遮庭院少人行  
個人何處纖指按秦箏 手把道書慵自起暗來小  
閣斜憑畫圖心事忒分明蒼苔紅藥天上記曾聽

韓純玉

蝶戀花

繡幕低垂深院靜  
殢酒矜花還是前春病  
乍煖乍寒  
渾不定  
風風雨雨清明併  
女伴相呼穿翠徑  
小立  
窓前  
且待新妝  
竟拭却紅綿  
重照鏡  
傍人也道都相稱

傅感丁

鳳凰閣

瓊花臺懷古

問耕烟種玉是何年代  
至今猶覺餘香在  
約略開元



天寶寂寥千載憑驗取名花無對 收歸天上一種  
人間難再古臺月冷瓊瑤碎花信杳憶蕃釐空有遺  
佩判讓與宮娃剪綵

黃之翰

浪淘沙

舊事總依稀說着眉低曾將羅帶索留題誰見曲闌  
花影畔真個和伊一笑轉思惟悉聽相疑東風那  
禁絮沾泥便是不真真也得只算前非

余三瀛

鵲橋仙 本意

輕烟約月薄雲籠雨此際雙星緣續明朝初八怕關  
心但回想昨宵初六銀灣帶水阿誰多事巧作填  
河題目不如方便駕虹橋免烏鵲年年勞碌

魯 趙

醉太平 早朝

宮雲尚低宮鴉早啼玉宸催按班齊正傳呼紫微  
天香御衣恩波御題捧來先下綸扉只金莖露稀

減字木蘭花 重泊吳閫

錦帆行處繫艇當年垂柳樹漁火江楓霸業銷沉向  
此中似曾相識烟寺一鐘霜浦笛喚起離情知隔  
雲間第幾程

季孟蓮

滿江紅

燕子何時銜去了舊年人約乍可的慊慊春睡東風  
休惡夜雨忽添窗外草曉晴亂惹樓頭鵲這天生一  
段好相思何曾學而今事當初錯別時淚空流落  
怕歸來重問有辭難却天遠夢隨驄馬倦晝長人並

風箏弱望河橋萬柳宿黃鶯愁遮幕

陳維岳

一斛珠

黃昏纔做梨花落處歲華鎖玉繩已挂朱樓左整罷  
鴛衾料理春眠妥 滴滴漏壺銀箭墮輕寒熱盡沉  
香火侍兒小立雲鬟彈蝶夢催成休放東風大

劉雷恒

百字令

早知輕別悔當初一笑等閒心許自與雲英成間隔

回首玉京迷路篋扇涼深機絲露濕冉冉三秋暮  
蟬零落伊州一曲誰鼓就裏多少相思緘愁欲發  
祇欠歸鴻度竟夕清砧將遠夢分付月明來去小影  
薰香新詩斷帶觸着添離緒寄聲安否此情惟感鸚  
鵡

羅坤

虞美人

寒食過儀真城南  
吊柳耆卿墓

江南寒食春風早杜宇啼烟曉蘭橈此日泊真州正  
是家家簫鼓出中流小桃繁杏橫塘路翠袖飄紅

霧多情兒女拔珠鉤猶把清漿一奠柳屯田

拜星月慢

至上都路有明妃上馬石

邊柳含愁關榆寫怨正是斜陽欲下帽影鞭絲又上  
都官舍舉頭望一帶連天白草多少牧羊屯馬吹角  
歸來早城烏啞啞坐黃昏星斗寒相射衣裳冷暗  
覺銀河瀉數漢晉金遼總前朝舊話聽琵琶一曲清  
秋夜淚迷離遠恨昭君嫁知憑弔此日登臨是何年

圖画

高士奇

夢江南

堪憶處牆繞院西樓紅樹牕前花鬪錦碧天簾外月  
如鉤時序總悠悠銷瘦了少小舊風流午摘珠蘭  
纔被浴晚開茉莉更梳頭同坐看牽牛

又

茆舍畔森木暗明湖雨足東疇收晚稻霜沾別圃刈  
香蔬舉網得江鱸落照後鰕菜集盤盂小婦金鑲  
能約酒幼兒玉盃趨呼盧還羨早朝無

陳維崧

少年游

奉誠園內小斜橋曾記近花朝  
簾錢庭院築毬天氣  
春草綠裙腰而今不道心情換  
飄泊任江皋眼底  
人疎心頭事滿斜凭木蘭橈

探春令

過先叔修撰故居見杏花有感

崇仁宅靠善和坊舊雕闌都壞  
問玉樓人醉知何處  
只一樹花還在紅香籠帽歸鞭快  
更容誰分戴到  
如今和了滿城微雨擔上街頭賣

南鄉子

邢州道上



秋色冷并刀一派酸風捲怒濤並馬三河年少客麤  
豪阜櫟林中醉射雕殘酒憶荆高燕趙悲歌恨未  
消昨夜筑聲寒易水今朝慷慨還過豫讓橋

步月

小市門東板橋迤北暗中瞥見芳姿明眸膩臉夜靜  
漾簾衣碧柳映幾層衫子紅蕖露一輛鞋兒斜靠着  
江梅一樹剛到半開時銅駝街又敞奈珠屏似水  
此恨誰知弄春纖香橙代解迴秋水羅帕分携歸去  
也一鉤春月水仙祠

東風齊着力

春困初濃春愁難妥又是花朝蝦鬚半捲蛾綠不曾  
描記得去年玉勒相逢在絲雨長橋秋千社綉旗不  
定画鼓頻敲流水碧迢迢人不見妝成知爲誰嬌  
穠香病酒雙臉印紅潮欲借鴛機論恨回文字帶淚  
重挑腸斷也百花生日只是無聊

滿江紅

溪上感舊

脉脉濛濛是誰把繁華吹去斜陽外故家亭榭亂烟  
凝佇淒切似聞絲竹響飄零碎落銀燈雨記當場一

曲牡丹亭銷魂侶 錦障裏春無數綺席上人如許  
幾番赴遍了差池燕羽有恨羅裙尋画屨無情紈扇  
拋金縷問溪邊一帶白楊花應能語

又

贈何廷瑞先生是識余童子時者

陽羨書生記年少劇於健馬公一顧風鬟霧鬣盡居  
其下兩院黃驄佳子弟三條紅燭喬聲價恰思量已  
是廿年前淒涼話 鐵笛叫南徐夜玉山倒西牕地  
且擣蒲六博彈箏行炙被酒我思張子布臨江不見  
甘興霸只春潮濺雪白人頭堪悲咤

玉山枕

詠白鸚鵡和程邨

小院清麗蜻蜓翼空如水楊花池閣梨花庭榭風漾  
金籠踟躕不止雪衣簷畔誦迦文恰生小怕施朱翠  
有玉奴夢醒無憀撚瓊枝月中調戲尉陀臺上當  
年事心兒內重提起拋家離井好風良夜腸斷三年  
魂銷萬里從來薄命玉容人也只是飄零如此倩銀  
鴻問訊珠娘素馨花想此時開矣

沁園春

贈友

慷慨悲歌旁若無人進君一觴更四絃入破聲哀以

思三更被酒臣醒而狂末路崎嶇舊遊零落哀樂縱  
橫不可當生平事記短衣匹馬錦瑟紅牆歲華一  
去堂堂又半百蹉跎暗自傷歎醉必沾襟是兒可念  
飛而食肉此志難忘人道買臣今年富貴路鬼揶揄  
笑一場重起舞儘玉山筵上徹夜頽唐

又經邯鄲縣叢臺

匹馬短衣竟上叢臺慨當以慷是誰家戰壘寒沙落  
照何年古戍亂草平岡十月疎砧一城冷雁不許愁  
人不望鄉徘徊久只登高弔古無限蒼茫當年趙

武靈王對樹裏河流掛濁漳有佳人跼屣妝臺對起  
王孫絃服舞袖相當而我來游幾番歷徧不見邯鄲  
挾瑟倡何須問便才人厮養總付斜陽

玉女搖仙佩

大梁署中月夜

客愁無那何日歸程真向江淮起柁惱殺天邊一輪  
好月掛在玉津園左照着淒涼我又雁飛壕側馬嘶  
城堞枕稜畔如冰似鐵仰視中庭數點星顆便有夢  
還家生怕更樓已曾合鎖 擘阮薰香都情祇剩續  
紛簾影對人低彈暗數從前宣和風景多少花驄鳳

名言不集 卷一  
舸此夜誰端坐匿笑處顫立幾行釵朶想又是天街  
似水梅花糝地內家一陣香車過遙映着樊樓燈火

徐喈鳳

桂枝香

姑蘇懷古

金風送暑見十里花洲荷殘淺渚江水澄鮮一碧落  
帆如雨蘇臺勝跡今何在映斜暉老楊三五画船歌  
歇戍樓笳動幾家砧杵 問昔日吳宮伴侶歎香銷  
西館珠沉南浦吳越興亡豈盡天公爲主後吳又續  
前吳矣剝蟪蛄荒基相語獨憐秋月年年似鏡照人

今古

張王府基出  
蟋蟀多善鬪

鄒顯吉

望海潮

題來青閣

暖風遲日五侯池  
館帽簷欹側頻遊金雀雙鬟文犀  
斜領一行齊上簾鉤着處總溫柔  
記烏絲醉染囑付  
親收屈指重來  
今生不擬負風流  
十年空敝貂裘  
向斜橋落葉說甚  
從頭蛛網塵封燕泥乾盡更誰同  
倚妝樓暝色不勝愁  
歎篆香心字灰冷難留  
試覓題箋淚痕還染佩囊不



秦松齡

柳梢青

小艇橫斜故園輕別甚意天涯秋雨殘燈秋心殘酒  
秋色殘花 博山香裊窓紗夢斷也西陵路賒天外  
行雲水邊歸鳥烟底浮家

青玉案

桂樹傳是賈秋壑故居

清秋愛踏西陵路又細雨催人去流水橫塘香暗度  
桂花開也且留人住時節當三五 荒涼院落誰爲  
主傳是半閒堂下樹花謝花開經幾許斷烟衰草斜

陽門巷風月平章處

風流子

幾年成夢想無端處喜得見嬌嬈自玳瑁筵開乍邀  
一笑芙蓉帳暖共話連宵當此際藏鈎移玉腕按曲  
和鸞簫画燭珠簾未醒宿酒淡烟疎雨忍過楓橋  
風塵搖落客歸期今已迫雲散香飄無數別離情事  
何處能消只錦帶新歡難忘昨日梅花密約記取今  
朝此後椒盤春酒索向無聊

曹貞吉

今詞初集

卷下

五

滿庭芳

聞雁

細草摧霜寒風敗葉樓頭一雁初鳴偶來嘹唳何事  
恰關卿惆悵平沙月落衡陽路幾點峯青曾相識江  
楓漁火隻影傍人明 伶俚山枕上夢回酒醒哀韻  
偏清更空堦絮語消受蛩聲同是一般憔悴算只少  
猿叫三更從今去湘流曲折莫近小牕橫

王暉

誤佳期

路隔桃源難認知道画樓遠近東風吹散一叢花蜂

瘦玉弓寒香堦小立不知還徘徊久端爲出來難

楊大鯤

菩薩蠻

風簾一剪燈花碎疎衾昔昔涼於水客夢不曾還禁  
鐘清漏殘 玉堦秋草色舊路行來識斜月鳳樓陰  
九重寒更深

馬 翀

浣溪沙

綠遍千山響杜鵑柳絲披拂燕翩翾可曾風雨似今

年蓮瓣一鈎春寂寞菱花七出曉嬋娟半垂紅袖  
撥沉烟

徐鉉

減字木蘭花

垂鞭欲暮踏遍天涯芳草路削面西風昨夜濃香似  
夢中遠山遙岸牽惹離愁渾不斷衰柳烏啼一片  
殘陽在客衣

滿江紅

十里蕪城風景異漫天飛雪嘆半載蹇驢阜帽空彈

長缺雁字不傳雲外信  
梅花正憶窓前月望鄉關咫尺路偏迷堪嗚咽  
画虎志難消歇雕蟲技偏摧折  
笑絮衾成水鹿裘如鐵世態何須防面冷丈夫原不  
因人熱看熱腸清淚幾銷磨英雄血

陸進

千秋歲

連旬霧靄北郭餘寒在愁幾許還教耐小窓空翠裏  
孤艇斜陽外君不到暗風幾陣吹花碎  
堦砌苔痕退樹影重簾礙春欲盡花難待  
新詩遙寄贈画閣空

愁對長吟罷粉梨雲繞流鶯醉

閨場次

臨江仙

題彈指詞後

細雨樓寒春水去憑誰更唱新詞  
郴江流下卽天涯  
就中冷煖可許兩人知  
幽夢一簾情十里無端隔  
代相思風流儒雅亦吾師  
金荃玉茗遺恨不同時

金縷曲

和成容若贈梁汾之作

且住爲佳耳任相猜  
馳牋紫閣曳裾朱第  
不是世人皆欲殺  
爭顯憐才真意容易得  
一人知己慚愧王孫

圖報薄只千金當灑生平淚渾不直一杯水歌殘  
擊筑心逾醉似當年侯生垂老忽逢无忌親在許身  
猶未得俠烈今生已矣但結託來生休悔俄頃重投  
膠在漆似舊曾相識沽屠裏君試讀龍門記

顧貞觀

昭君怨

真個而今親試月白霜濃蕭寺佛閣夢雙憑第三層  
別是梵音清磬休問輓轡宮井一滴下楊枝睡醒  
時



浣沙溪

不是圖中是夢中  
非花非霧隔簾櫳  
窄衫低髻鎮相  
同  
清脆鈴聲簷鴿夜  
悠揚燈影紙鷂風  
此時攜手  
月冥濛

菩薩蠻

山城夜半催金柝  
酒醒孤館燈花落  
牕白一聲雞  
枕函聞馬嘶  
門前烏柏樹  
霜月迷行處  
遙憶獨眠人  
早寒驚夢頻

又

夜深叢桂飄香雪有人私語憑肩立莫倚玉闌干人  
間風露寒殘妝猶在臂少別千年矣密約誓他生  
此生無那情

清平樂

木蘭店題壁

短衣孤劒貰酒青旗店一曲杜陵春澹漱醉洗玉船  
愁醖早鶯喚客誰家依微月射銀沙馬上續成歡  
夢牆頭笑擲桃花

朝中措

蘅蕪夢冷惜分襟橘浦餉愁深斷雁西風當日曉鶯

殘月而今 臨邛久客茂陵多病特地關心天與一  
般憔悴不成兩處銷沉

河瀆神

密約水神祠辦香心事誰知繡旛同上小名兒一雙  
親系千支 蕭蕭暮雨芙蓉黑越江猶認行迹潮沒  
蘼碑三尺怨魂應始銷得

鷓鴣天

往事驚心碧玉簫燕猜鶯妒可憐嬌風波亭下鴛鴦  
牒惶恐灘頭烏鵲橋 辜恨葉摘情條舊時眉眼舊

時腰相思半餉西牕月狼籍桐花和夢飄

青玉案

天然一幅荆關画誰打稿斜陽下只向愁人愁處掛  
亂鴉千點落鴻孤咽中有漁樵話重來且莫登臨  
罷對剩水殘山淚盈把有情翻逐無情化青娥塚上  
東風野火燒出鴛鴦瓦

驀山溪

秦淮客舍

多情長願投老秦淮住華髮縱歸來怕不似少年羈  
旅橫江酌月才魄怨銷沉歌伴侶邀商女一曲青衫

今詞初集

卷下

五

雨 青溪祠宇沒個迎神姬官柳繫興亡尚拂面六  
朝烟縷無情金粉都逐去來潮桃葉渡相思樹遺恨  
今何許

鳳凰臺上憶吹簫

鏡展瀟湘樓憑罨畫困人終日廉纖似春眠未覺別  
夢相兼那得個閑心緒待剖白舊素新縑愁來也玉  
肌生粟一餉寒嚴 鰈鰈何曾比目向百尺竿頭斷  
送枯鮎想當初崖蜜知爲誰甜挑取羅巾袖口把往  
字細齧重擣拚狼籍墨痕清淚小印紅鉗

御帶花

來往西華門過金鰲玉蝀二橋望小西天一帶每低回不能去賦此記之

梳妝樓下捫碑字金碧依然天半龍舟寂寞任波翻  
太液藕花長滿知否憑高無限意幾回悽斷傳呼急  
平明騎馬值紫宸班換指點重瞳親御處飛閣千  
層彩虹雙款朱顏頻改都不似尋常意中庭院飄泊  
青衫隨例屬天家拘管憶二十年前慧業侍玉皇香  
案

百字令

和州宿針魚嘴次韻

幾行歸雁共征帆落向暮烟叢裏野戍潮寒清角動

簇簇蒹葭深艤酒旆微青漁燈乍黑未散沙洲市當  
壚一笑滿頭黃菊旖旎 又是薄醉殘更蓬牕悶掩  
轉淒迷鄉思誰與孤眠欹枕說妾夢不離江水慈姥  
山高望夫磯冷相對針魚嘴斷魂今夜風鬟雨鬢千  
里

木蘭花慢

過馬湘蘭故居今爲蘭若東卽孔雀  
菴與眉樓咫尺相望

數鳴珂舊曲誰第一擅歡塲有燕骨千金楚魂九畹  
姓字餘香秦淮尚流膩粉奈溫柔改署白雲鄉碎玉  
一聲何處迢迢銀漢紅牆 散花曾許嫁王昌半偈

衲衣償聽長板橋頭魚山清唄別是淒涼鄰菴漫題  
孔雀羨當年三十六鴛鴦對此莊嚴妙相從他惱亂  
柔腸

水龍吟

粵秀山簡友

憑高有客沾襟蒼茫勝蹟都無據榕陰不斷鷓鴣飛  
上越王臺樹香浦魚沉珠江雁杳花田無主算由來  
間氣英雄粉黛一般到銷魂處喚起柔情俠骨定  
相憐客愁孤注韶光正好爲誰擲向蠻烟瘴雨雙髻  
扶頭十眉連臂儘留教住判千金散盡自携寶劒陸



生歸去

石州慢

發御河

一月長河奈望崎嶇玉京難卽滿身風露蓬牕倚徙  
無眠今夕不如歸去從他錦纜牙檣釣絲莫負秋江  
碧何事訪支機悔乘槎踪跡 淒寂無端聽盡古驛  
秋蛩離亭晚笛只得幾行官柳似曾相識琵琶和淚  
那須月落回船曲終始下青衫滴清鏡待重看有霜  
華堪織

沁園春

殘月幽輝宿昔見之豈其夢耶任寒堆一枕鈿珠零  
落塵縈半榻箏柱欹斜妾命如斯郎行何許裙扇留  
題滿狹邪鱗鴻便莫棲香正穩忘了天涯 也應遊  
倦思家算不抵孤眠人歎嗟鎮未忺懷抱慵偎煖鴨  
斷無消息悶數歸鴉雪壓霜欺別來真箇瘦盡中庭  
萼綠華誰傳語道春風多厲強飯爲佳

又

粉堞烏啼紅橋雁齒昔日亭臺記墜釵聲裏頻呼小  
玉鈎簾影畔手摘青梅感絕多情雙燕語問芳訊天

涯歸未歸心期在休教結子孤負重來歡娛總隨  
流水尚依然位置沒點塵埃只淒涼禪榻茶烟輕颺  
飄零酒社蠟淚成堆一種幽尋春草句怕清夢池塘  
有劫灰空陪着舊雕闌玉砌花落秋槐

金縷曲

湘南雨泊

菱鏡秋如許筆牀移疎簾垂下落英無語蚤晚沉香  
薰煖閣見說歸來還未怕醉裏鄉書難據看擁孤眠  
屏山上画平沙隻雁瀟湘雨從此路問君去分明  
江畔維舟處又模糊千里雲水澹烟濃樹今夜鴛鴦

須耐冷睡鳴紅綿親炷料也憶玫砧雙杵待倩西風  
將消息一聲聲吹送蘆花渚君不寐試聽取

又 生日日壽

馬齒加長矣向天公投牋試問生余何意不信懶殘  
煨芋後富貴如斯而已惶愧煞男兒墮地三十成名  
身已老况悠悠此日還如寄歌伏櫪壯心起 直須  
姑妄言之耳會遭逢致君事了拂衣歸里手散黃金  
歌舞就購盡異書名士累公等他年謚議班范文章  
虞褚筆爲微臣奉勅書碑記千載下有生氣

又 雨花臺晚眺

依舊銷魂路問何年香殘南國美人黃土結綺新妝  
看未竟莫報諸軍飛渡待領畧傾城一顧若使金甌  
長怕缺算繁華千載成虛負瓊樹曲倩誰譜重來  
庾信哀難訴是耶非石城桃葉三分門戶如此江山  
剛換得才子幾篇辭賦弔不盡人間今古試上雨花  
臺上望但寒烟衰草秋無數聽嘹唳雁行度

又

寄慰吳漢槎寧古塔以詞代書

季子平安否便歸來生平萬事那堪回首行路悠悠

誰慰籍母老家貧子幼記不起從前盃酒魍魎攫人  
今見慣總輸他覆雨翻雲手冰與雪周旋久 淚痕  
莫滴牛衣透數天涯依然骨肉幾家能勾比似紅顏  
多命薄更不如今還有只絕塞苦寒難受廿載包胥  
承一諾盼烏頭馬角終相救置此札兄懷袖

又

我亦飄零久十年來深恩負盡死生師友宿昔齊名  
非忝竊只看杜陵消瘦真不減夜郎儂慙薄命長辭  
知己別問人生到此淒涼否千萬恨爲兄剖 兄生

今詞初集

卷下

主

辛未吾丁丑共些時冰霜摧折早衰蒲柳詞賦從今  
須少作留取心魂相守但願得河清人壽歸日亟繙  
行成稿把空名料理傳身後言不盡觀頓首

瀘江月

記寒宵携手一離新月三徑微霜臂綃乍惜殷紅減  
平生意百劫難忘爲我飄蓬由他飛絮惡風吹墮何  
方燕臺尺素猶自祝勝常怪啼痕浥透香囊心知從  
此別但寄聲珍重莫更思量蜀道如天侯門似海陌  
頭容易盼蕭郎除非是星輶建節瞥認疎狂縱然

金屋深藏清笳拍遍料依舊情傷側身西望貂褕贈  
雙鱗杳不渡瀘江熨道烟迷牂牁瘴合夢魂可到家  
鄉烏衣門巷別後總淒涼又誰過昔日幽牕掃眉安  
鏡處任泥翻燕壘蜜滲蜂房黃菊休開紫薇空老見  
伊枝葉幾回腸歸來也重逢滿願願滿纔償

成德

如夢令

纖月黃昏庭院語密翻教醉淺知否那人心舊恨新  
歡相半誰見誰見珊枕淚痕紅泫



天仙子

夢裏蘼蕪青一剪玉郎經歲音書遠  
暗鐘明月不歸來  
梁上燕輕羅扇好風吹落桃花片

生查子

東風不解愁偷展  
湘裙衩獨夜背紗籠  
影著纖腰画  
燕盡水沉烟露滴  
鴛鴦瓦花骨冷  
宜香小立櫻桃

下

浣溪沙

寄嚴蓀友

藕蕩橋邊理釣筒  
芡蘿西去五湖東  
筆牀茶竈太從

容 况有短牆銀杏雨更兼高閣玉蘭風画眉閒了  
画芙蓉

采桑子

冷香縈遍紅橋夢夢覺城笳月上桃花雨歇春寒燕  
子家 箜篌別後誰能鼓腸斷天涯暗損韶華一縷  
茶烟透碧紗

菩薩蠻

新寒中酒敲窗雨殘香細學秋情緒端的是懷人青  
衫有淚痕 相思不似醉悶擁孤衾睡記得別伊時

桃花柳萬絲

荷葉盃

簾捲落花如雪烟月誰在小紅亭玉釵敲竹乍聞聲  
風影畧分明化作彩雲飛去何處不隔枕函邊一  
聲將息曉霜天腸斷又今年

浪淘沙

紅影濕幽牕瘦盡春光雨餘花外却斜陽誰見薄衫  
低髻子抱膝思量莫道不淒涼早近持觴暗思何  
事斷人腸曾是向他春夢裏瞥遇回廊

河傳

春暮如霧掩雙環  
語影花間畫  
閑背人偷將紅淚彈  
闌珊香銷輕夢還  
斜倚画屏思往事  
皆不是空作  
相思字  
記當時垂柳絲  
花枝滿庭胡蝶兒

臨江仙

長記曲闌干外語  
西風吹逗  
鶼紗片帆從此寄天涯  
一燈新睡覺  
思夢月初斜  
便是欲歸歸未得  
不如燕子還家  
春雲春水帶輕霞  
画船人似月  
細雨落楊花

鬢雲鬆令

枕函香花徑漏依約相逢絮語黃昏後時節薄寒人  
病酒剗地梨花徹夜東風瘦掩銀屏垂翠袖何處  
吹簫脉脉情微逗腸斷月明紅莖蔻月似當時人似  
當時否

風流子

秋盡友人邀獵

平原草枯矣重陽後黃葉樹騷騷記玉勒青絲落花  
時節曾逢拾翠忽聽吹簫今來是燒痕殘碧盡霜影  
亂紅凋秋水映空寒烟如織阜離飛處天慘雲高

人生須行樂君知否容易兩鬢蕭蕭自與東風作別  
剗地無聊算功名何許此身博得短衣射虎沽酒西  
郊便向夕陽影裏倚馬揮毫

疎影

芭蕉

湘簾捲處甚離披翠影繞簷遮住小立吹裙曾伴春  
慵掩映繡牀金縷芳心一束渾難展清淚裹隔年愁  
聚到夜深細聽空階雨滴夢回無據 正是秋來寂  
寞偏聲聲點點助人離緒纈被寒生宿酒全消攪碎  
亂蛩雙杵西風落盡梧桐葉還賸得綠陰如許想玉

人和露折來曾寫斷腸詩句

金縷曲

生怕芳樽滿到更深迷離醉影殘燈相伴依舊回廊  
新月在不定竹聲撩亂問愁與春宵長短燕子樓空  
絃索冷任梨花落盡無人管誰領略真真喚此情  
擬倩東風浣奈吹來餘香病酒還添一半惜別江淹  
消瘦了怎耐輕寒輕暖憶絮語縱橫茗椀滴滴西牕  
紅蠟淚那時腸早爲而今斷任角枕欹孤館

賀新郎

贈顧梁汾題杵香小影

德也狂生耳偶然間緇塵京國烏衣門第有酒惟澆  
趙州土誰會成生此意不信道遂成知己青眼高歌  
俱未老向樽前拭盡英雄淚君不見月如水 共君  
此夜須沈醉且由他蛾眉謠詠古今同忌身世悠悠  
何足問冷笑置之而已尋思起從頭翻悔一日心期  
千劫在後身緣恐結他生裏然諾重君須記

憶桃源慢

斜倚熏籠隔簾寒徹徹夜寒如水離魂何處一片月  
明千里兩地淒涼多少恨分付藥爐烟細近來情緒



非關病酒如何擁鼻常如醉轉尋思不如睡也看道  
夜深怎睡 幾年消息浮沉把朱顏頓成憔悴紙窓  
淅瀝寒到個人衾被篆字香消燈炮冷不算淒涼滋  
味加餐千萬寄聲珍重而今始會當時意早催人一  
更更漏殘雪月華滿地

大酺

怎一爐烟一窓月斷送朱顏如許韶華猶在眼怪無  
端吹上幾分塵土手撚殘枝沉吟往事渾似前生無  
據鱗鴻憑誰寄想天涯隻影淒風苦雨便研損吳綾

啼沾蜀紙有誰同賦 當時不是錯好花月合受天  
公妒只索倩春歸燕子說與從頭爭教他會人言語  
萬一離魂遇偏夢被冷香縈住剛聽着城頭鼓相思  
何益待把來生祝取慧業相同一處

朱中楣

少司馬李元鼎室故江右宗女號遠山夫人

千秋歲

別橫波龔年嫂南歸

天涯分袂更覺愁千倍憑寂寞添憔悴風移蟬唱杳  
雨滴梧聲碎方信道離懷未飲心先醉 濕花疑有  
淚點點餘紅綴新菱熟殘葭翠秋清人漸遠水靜鴛

濃睡知音少斯時一別何時會

王 昶

仲英金壇王彥泓女  
子秦松齡官檢討

浪淘沙

疎雨滴青蘂花壓重檐繡幃人倦思厭厭昨夜春寒  
眠未足莫捲湘簾羅袖護摻摻怕拂香奩獸鑪香  
倩侍兒添爲甚雙蛾長翠鎖自也憎嫌

滿江紅

剪剪輕寒小樓昨夜衾嫌薄禁幾陣東風吹斷護花  
鈴索醉軟烟絲牽恨亂離披蝶板敲愁落爲慵春筆

債滿牀頭都耽閣 愁與病渾難却花飛盡容如削  
笑年年依舊一身落魄金屋自慚元不稱樊籠也任  
長牢絡問蒼蒼生此不祥人何如莫

顧氏

無錫顧端文公女  
孫孝廉侯麟勳母

浣溪沙

和王夫人仲英韻

百轉嬌鶯喚獨眠起來慵自整花鈿浣衣風日試衣  
天 幾日不曾樓上望粉紅香白已爭妍柳條金嫩  
滯春烟

眼兒媚

簡仲英

西風吹淚灑寒林歸夢杳難尋半牀冷月一聲哀雁  
幾處疎砧阿憐何事音塵絕惆悵隔年心沈寥風  
景淒涼滋味分付孤斟

浪淘沙

新粉墜琅玕荷露初溥滿城風雨忽生寒莫便重陽  
時候也一例心酸小扇疊輕絀空窗乘鸞流螢飛  
度曲闌干休傍牙籤頻掩映不是儒冠

南鄉子

和秦表妹

蘭漿共嬋娟猶是春歸載酒船重繫烏啼衰柳下婁

然分付殘陽與斷烟  
相並語寒泉瘦影低鬟絕可  
憐不似清和風日好湖邊紅綻櫻桃月正圓

風中柳 哭妹

看斷腸花真個柔腸斷了淚盈盈黃昏清曉吟箋繡  
帖付冷烟衰草問何時雙眉同掃一霎韶光容易  
鬢絲催老不如君長眠獨早疎香幾筆是玉人遺照  
願他生池塘夢好

滿江紅 中秋旅泊

爲問嫦娥何事便一生耽閣也曾來百子池邊長生

殿角伴我綺窗朱戶影辜他碧海青天約倩回風迢  
遞寄愁心隨飄泊 五色管今閒却千石酒誰斟酌  
又天涯羈旅鬢絲零落別夢匆匆偏易醒遠書草草  
仍難託判長眠憔悴過三秋人如削

又 重九日

細雨斜風却又早重陽時節登高去小樓凝望楚天  
空濶秋水伊人家萬里白雲親舍山重疊是誰啼紅  
淚濺霜林楓如血 填不滿窮愁穴補不盡離愁缺  
遡庭堦勝事依然陳迹黃菊有花羞插髻素心欲卷

憐匪石有孤鴻和月伴卿卿成三絕

又 楚黃署中聞警

僕本恨人那禁得悲哉秋氣恰又是將歸送別登山  
臨水一派角聲烟靄外數行雁字波光裏試憑高覓  
取舊妝樓誰同倚 鄉夢遠書迢遞人半載辭家矣  
歎吳頭楚尾翛然高寄江上空憐商女曲閨中漫灑  
神州淚算縞綦何必讓男兒天應忌

玉蝴蝶 茗溪署中

一抹晴空無際烟光澹蕩微月當樓點綴平蕪樹色



暮靄初收斷霞邊  
慈烏千點看反哺  
爭宿枝頭黯凝眸  
親幃何處旅夢難收  
颼颼風吹鬢影寒  
生肌粟喚起千愁  
不堪回望舊家庭  
院早驚秋憶當初  
棲遲三楚今日個  
憔悴湖州願難酬  
聊憑斑管寫我心  
憂

水調歌頭

寄弟梁汾

身世原爲客  
無事歎離居  
東西南北何定  
天地一舟虛  
酒醒曉風殘月  
夢覺池塘春草  
冷煖倚清娛  
五六十株菊  
二三千卷書  
過采石浮彭蠡  
訪小姑漢濱  
拾翠此際能無  
佳句乎暇日登  
樓王粲萬里題  
橋司

馬蓬轉古人如故國莫回首聊且託雙魚

吳森札

文照孝廉吳溢女號  
瀟湘居士吳江人

綺羅香

賦得願在衣而爲領

一幅鮫綃幾回忖量拈却并刀裁剪穩貼雙肩試把  
芙蓉扣掩臨寶鏡顧影端詳啓珠箔畏人偷見漫尋  
春蝶慕蜂憐芳心猶恐衣香淺一方繡重封香窄怕  
新來寬褪瓊姿銷減倦壓鴛衾蘭麝休教再染愁春  
去怨雨啼雲惜花殘香柔紅軟解羅衫收拾熏籠甚  
心情更展

龐蕙纓

小畹同邑  
吳鏘配

滿江紅

書嘉禾李孝貞女事

地老天荒重翻過鴛湖春色記當日白衣來夢前身

西極

事見本傳

千古男兒忙不了一時閨閣輕收得羨緹

縈緩急請從行真堪激曹娥恨江猶黑陶嬰志環

空碧想呼蒼哀籲藥鏞朱實

女父病願以身代有鳥銜朱實墮鏞中服之卽

愈淚浣楓根終有痛魂棲廟樹知何日聽城南夜夜

杜鵑啼催明月

吳文柔

昭質吳兆騫同母女弟歸楊焯爲楊解元廷樞長子

長相思

關山秋故山秋葉落宮槐起暮愁新涼作意收  
花洲荻花洲分付蛩吟且暫休斷腸人倚樓

謁金門

寄漢槎兄塞外

情惻惻誰遣雁行南北慘澹雲迷關塞黑那知春草  
色細雨花飛繡陌又是去年寒食啼斷子規無氣  
力欲歸歸未得

葉小紈

吳兆寬子婦

浣溪沙

新月

纖影黃昏到小樓  
弱雲扶住柳梢頭  
捲簾依約見銀鈎  
妝鏡慵開纔出匣  
蛾眉學画半含愁  
清光先自映波流

沈樹榮

紫嘉母葉蕙綢  
見午夢堂詩

臨江仙

草草妝臺梳裏了  
曲闌干外凝眸  
年光荏苒又深秋  
一番風似剪  
雨度月如鈎  
病裏高堂頻囑道  
而今莫更多愁  
當時檢點也應休  
重新來眼底  
依舊上眉頭

滿庭芳

中秋同諸姪坐月

宿雨全收晚涼乍爽微雲點綴長天廣寒宮敞素面  
露嬋娟影浸閒庭如水看浮動梧竹和烟相依處團  
圓共話人月恰雙圓記闌干十二桂花叢下分擘  
紅箋許詩成次韻學步隨肩一向秋光隔斷清輝好  
兩地空懸今夜永參橫斗轉幽賞不教眠

水龍吟

誰知到處徘徊謝庭風景都非舊画堂塵掩蓬生三  
徑門垂疎柳白晝初長清風自至流年空又看多情

燕子飛來還去真箇不堪回首 昔日嬌隨阿母學  
拈鍼臨窓挑繡斜陽樓外熨殘銅斗線紋舒皺蠶欲  
三眠鶯還百轉落花時候問重來應否消魂試聽江  
城笳奏

沈憲英

字蘭支中翰自炳女適  
葉世俗以上俱吳江

滿庭芳

中秋坐月和  
素嘉甥女

螢火流空蛩吟向夕水輪碾破瑤天香飄雲外桂子  
靜娟娟對月幾人無恙多半隔遠樹蒼烟難逢是一  
庭聯袂把盞看重圓 無限淒涼况含毫欲寫累紙

盈箋任金風拂面玉露侵肩還惜良宵景促無繩繫  
皓魄長懸應飛去廣寒宮裏清影共愁眠

水龍吟

胥江競渡

薰風池館新篁片紅飛盡驚梅雨  
純扇初裁羅衣乍試又逢重午  
萬戶千門遊人爭出俱懸艾虎  
看碧蒲縈恨朱榴沾醉似續離騷  
舊譜惆悵韶華易換最關心  
画船簫鼓當年沉水今朝寒食  
依然荆楚拭目城邊捧心臺畔  
恨垂千古霎時間惟見清江一曲綠  
簑漁父



喻撚

惟綺南昌詩  
人喻指妹

浣溪沙

示女蓮

曉日當窓理繡絲  
莫調金粉莫拈詩  
倦餘聊倚碧梧枝  
道蘊才華妨靜女  
少君風範是良師  
耽書休似阿娘痴

顧道喜

靜簾郡丞  
許虬之母

滿江紅

禾黍斜陽村皐外  
紅霞飛滅回首去  
依稀風景繁華  
銷歇沼冷鴛鴦荷  
謝雨臺荒麋鹿松  
篩月忽一聲野

寺斷鐘過疎籬缺 清曉怨簾鉤揭王孫夢鵲啼竭  
問天涯何處銅仙金闕猿鶴三秋淹短草風雲萬里  
悲高碣料明朝好鏡不相瞞霜侵髮

許心榛

阿泰父虬妹阿尊阿蘇阿芬皆能詞

### 重疊金

數聲漁笛斜陽裏離愁亦傍寒風起烟樹幾人家冬  
殘猶試花 昔時歡笑處各自東西去恰見斷鴻飛  
霜帆獨櫂歸

張學雅

古什太原人張  
佚女僑居吳中

浪淘沙慢

黯然獨坐正淒慘一燈明滅情緒此時難說柳眉空  
鎖雙葉奈詩句慵題逢令節怕描出寸腸千結念往  
事星霜容易換空庭又飄雪悲咽耿耿雁鳴天濶  
不道悄悄西堂深處有個人愁絕抱影自尋思清夜  
魂怯昏烟凝淡白小窓獨語一鈎殘月蘭麝消鴛衾  
空疊香閨靜更籌將歇淒風凜歛寒侵透袷想何處  
可使遣愁除入夢蘼蘼幻成箇蝴蝶

張學典

古政楊焯弟无咎繼室

錢夫人

湖州唐總憲世濟配

滿庭芳

四時詞今遺其二

古樹陰濃新篁翠淺半天雨過俄晴方塘對岸留得  
小紅英消受茶芽蕨笋鬆几淨雲母輕明薰風起釣  
絲搖曳無處立蜻蜓灌園君素志辟纒吾職雨意  
相并把當前小景直擬蓬瀛怎得塵勞盡謝長無事  
心境雙清家園好藕花如錦波面想盈盈

一片松陰半庭梧葉縱橫占滿空堦授衣時節砧響  
隔牆來漸老懶親刀尺褰簾望秋色佳哉真難料千

餘里外來看木犀開  
歎間浮狹小圃爭堅固利嫁  
名媒怕胸中硯磊辜負新醅但使逍遙鵬鷁知何事  
荏苒縈懷高樓晚孤鴻別浦鄉思忽相催

黃德貞

月輝嘉興孫曾楠室女蘭媛蕙媛

玉女搖仙珮

題自製琴譜

偶攜詞藻未別宮商忽聽琳瑯佳操助我清音悠然  
淡韻恍若鶴鳴霜曉如竹梳風笑似荷彈雨點秋聲  
寒悄想當日登臨懷古開襟霽景相照任目斷飛鴻  
不計焦桐十分叶調自笑疎簾邃閣滌硯焚香舒

寫閒情幽抱數息閒時持經餘暇幾駭氷絃清嫋律  
呂通奇奧可知我銷却光陰多少喜白髮高吟不朽  
軫前徽下指能解語流泉繞含宮嚼徵詞源灝

孫蕙媛

靜晚

### 望江怨

深閨悄葉落梧桐秋欲老攬鏡愁多少闌干凭遍西  
風掃情渺渺試問菊花期還是霜前好

徐燦

湘蘋故相陳之遴夫人長洲人

### 西江月

剪燭閑思往事看花尚記春遊侯門東去小紅樓曾  
共翠娥杯酒聞說傾城尚在可如舊日風流忽忽  
彈指十三秋怎不教人白首

唐多令

上陽有感

玉笛送清秋紅蕉露未收晚香殘莫倚高樓寒月羈  
人同是客偏伴我住幽州小院入邊愁金戈滿舊  
游問五湖那有扁舟夢裡江聲和淚咽何不向故園  
流

一翦梅

春光九十已全拋送也魂消留也魂消東君傳語謝  
嬌嬈去也無聊住也無聊玉牀香被展輕綃長也  
今宵短也今宵愁紅休怕綠陰交早也明朝遲也明  
朝

青玉案

廣陵懷古

傷心悞到蕪城路携血淚無揮處半月模糊霜幾樹  
紫簫低遠翠翹明滅隱隱羊車度鯨波碧浸橫江  
鎖故壘蕭蕭蘆荻浦烟水不知人事錯戈船千里降  
帆一片休怨蓮花步



御街行 燕京上元

華燈看罷移香屨正御路遊塵絕素裳粉袂玉爲容  
人月都無分別丹樓雲淡金門霜冷纖手摩挲怯  
三橋宛轉凌波躡歛翠低回說年年長向鳳城游曾  
望藥珠宮闕茫茫咫尺眼前千里況是明年月

洞仙歌

霜寒夜悄歎韶華一瞬往日閑愁料難盡而今無計  
且淒雨憐雲江南信知道梅花遠近 燈窺短夢夢  
也無多消得啼鳥恁凌迸輾轉不成眠却怨東風吹

春到與愁爭競縱桃李貪嬌也須知近日這眉兒不堪倒暈

念奴嬌

雨窓閑話笑浮生何限是非今昨幾遍青山酬對好  
依舊黛眉當閣灑道輪香潤花杯滿不似前秋惡繡  
簾纔捲一樓空翠迴薄擬泛烟中片葉但兩湖佳  
處任風吹泊山水清音聽未了隱岸玉箏金索頭上  
催詩枕邊滴夢慢慢惜瑤卮落相看不厭兩峰天際孤

削

永遇樂

南還感舊

無恙桃花依然燕子春景都別前度劉郎重來江令  
往事何堪說逝水殘陽龍歸劒沓多少英雄啼血千  
古恨河山如許豪華一瞬拋撇白玉樓前黃金臺  
昨夜只留明月休笑垂楊而今金盡穠李還消歇  
世事浮雲人情飛絮都付斷猿悲咽西山在愁容慘  
黛共人淒切

風流子

只如昨日事回頭想早已十經秋向洗墨池邊裝成

書屋蠻牋象管別樣風流殘紅院幾番春欲去却爲  
箇人留宿雨低花輕風側蝶水晶簾捲恰好梳頭  
西山依然在知何意憑檻怕舉雙眸便把紅萱釀酒  
只勸人愁謝前度桃花休開碧沼舊時燕子莫過朱  
樓悔煞雙飛彩翼悞到瀛洲

今詞初集卷下

終

跋語

少陵云讀書破萬卷下筆如有神千古奉爲詩聖至於詞非天賦以別才雖讀萬卷書總無當於作者使少陵爲憶秦娥菩薩蠻諸調必不能與青蓮爭勝則下此可知矣近世詞學之盛頡頏古人然其早者掇拾花間草堂數卷之書便以騷壇自命每歎江河日下今梁汾容若兩君權衡是選主於鏟削浮豔舒寫性靈採四方名作積成卷軸遂爲

本朝三十年填詞之準的丁巳春梁汾過余浚儀剪

燭深宵所談皆不及塵俗事酒酣出斯集見示嗟賞  
累日漫附數語歸之余賦性椎朴不能作綺語於詞  
學有村夫子之誚無足爲斯集重顧生平讀書不及  
少陵之半而謬託以解嘲益令有識者邴掄兩君其  
爲余藏拙可也遂安毛際可識